

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200068970001, Carinski broj 200068970001
RACUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola:

05-1-25-1-1608-19/25

JAVNO

DATUM: 30.07.2025. god.**PRIMALAC:** EMADO d.o.o. Sarajevo
KODEKS d.o.o. Sarajevo
COMMERCE ENGINEERING d.o.o. Mostar
UMA MULLER GROUP d.o.o. Sarajevo**PREDMET:** Obavijest o izboru ponuđača u postupku nabavke hardware-skih resursa**VEZA:**

Poštovani,

Na osnovu člana 71. Zakona o javnim nabavkama ("Sl. glasnik BiH", br. 39/2014, 59/2022 i 50/2024), obavještavamo vas da je, nakon okončane procedure prikupljanja ponuda za nabavku hardware-skih resursa, provedenu metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača: KODEKS d.o.o. Sarajevo.

S poštovanjem,

v.d. DIREKTOR-a

Sanin Ramezić**DOSTAVLJENO:**

1. Ponuđačima
2. Upravi Društva
3. Sektoru za administrativnu podršku
4. a/a



	Tel:	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opco@sarajevo-airport.ba
WEB	www.sarajevo-airport.ba	/	/

**U P R A V A**

Strana: 1 od 2

Broj protokola:

05-1-25-1-1408-18/15

JAVNO

Datum: 29.07.2025. godine

Na osnovu člana 70., a u vezi sa članom 25. Zakona o javnim nabavkama („Službeni glasnik BiH“, br. 39/14, 55/22 i 50/24), člana 45. Statuta J.P. Međunarodni aerodrom „SARAJEVO“ d.o.o. Sarajevo i člana 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Nabavka hardware-skih resursa, broj: 05-3-25-1-1408-17/25 od 21.07.2025. godine, Uprava J.P. Međunarodni aerodrom „SARAJEVO“ d.o.o. Sarajevo, na 46. sjednici, održanoj dana 29.07.2025. godine, donosi

ODLUKU**I**

Kao najpovoljnija ponuda za nabavku robe: Nabavka hardware-skih resursa, ocjenjuje se ponuda ponuđača KODEKS d.o.o. Sarajevo, zavedena na protokol J.P. Međunarodni aerodrom „SARAJEVO“ d.o.o. Sarajevo dana 08.07.2025. god., pod brojem: 10-25-1-1408-6/25, koji je, nakon provedene e-aukcije, ponudio najnižu cijenu za predmetnu nabavku, u iznosu od: 153.490,00 KM (slovima: stotinupedesettrihljadečetiristotinedevadeset KM), bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o izboru najpovoljnije ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti:

- originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude;
- novi originalan, popunjen, potpisan i ovjeren Obrazac za cijenu ponude, sa cijenom usklađenom sa konačnom cijenom nakon održane e-aukcije.

III

Po proteku rokova za reviziju, a uz prethodnu dostavu dokumentacije iz tačke II, J.P. Međunarodni aerodrom „SARAJEVO“ d.o.o. Sarajevo će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Nabavka hardware-skih resursa, v.d. direktora J.P. Međunarodni aerodrom „SARAJEVO“ d.o.o. Sarajevo je dana 12.06.2025. godine donio Odluku o pokretanju postupka nabavke broj: 05-3-25-1-1408-3/25. J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je dana 17.06.2025. godine na Portalu javnih nabavki objavilo obavještenje o nabavci, broj: 246-1-1-401-3-125/25, a Rješenjem, broj: 05-1-25-1-1408-5/25 od 03.07.2025. god., imenovana je Komisija za provođenje postupka. Do ostavljenog roka za predaju ponuda, 08.07.2025. god., na adresu Društva ponudu su dostavila četiri ponuđača.

Na javnom otvaranju ponuda, održanom isti dan uz prisustvo predstavnika ponuđača COMMERCE ENGINEERING d.o.o. Mostar, pročitani su nazivi ponuđača i ponuđene cijene, i to:

1. EMADO d.o.o. Sarajevo: 153.500,00 KM, bez PDV-a,
2. KODEKS d.o.o. Sarajevo: 153.800,00 KM, bez PDV-a,
3. COMMERCE ENGINEERING d.o.o. Mostar: 153.500,00 KM, bez PDV-a,
4. UMA MULLER GROUP d.o.o. Sarajevo: 154.000,00 KM, bez PDV-a.

Nakon javnog otvaranja ponuda, Komisija se sastala radi njihove detaljne analize, te je pregledom i analizom ponuda utvrdila sljedeće:

– **EMADO d.o.o. Sarajevo**

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, Komisija je predložila da se ponuda proglasi formalno-pravno, tehnički i računski prihvatljivom.

– **KODEKS d.o.o. Sarajevo**

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, Komisija je predložila da se ponuda proglasi formalno-pravno, tehnički i računski prihvatljivom.

– **COMMERCE ENGINEERING d.o.o. Mostar**

Prilikom detaljnog tehničkog pregleda ponude, komisija je konstatovala da ponuđač nije pripremio ponudu u skladu sa zahtjevima iz tačke j) tenderske dokumentacije, koja glasi:

„Tehnička dokumentacija za ponuđenu robu (katalozi, datasheets, itd.) iz kojih se jasno vidi da ponuđena roba odgovara traženoj u smislu tehničkih karakteristika, te da ista ispunjava sve uslove i zahtjeve postavljene u ANEKS-u VII tenderske dokumentacije.“

Komisija je utvrdila da ponuđena roba u okviru sljedećih stavki tehničke specifikacije ne ispunjava zahtjeve:

Vrsta dok.	Izdavač
ODL	5-01
Strana: 2 od 2	
JAVNO	

Stavka 1 – Desktop PC

Stavka 2 – Desktop PC

Naime, u Aneksu VII tenderske dokumentacije kao jedan od zahtjeva za predmetne stavke zahtijevan je poklopac koji pokriva kablove/portove sa zadnje strane uređaja i onemogućava im pristup.

U ponudi ponuđača na stranici 12 za stavku 1 i na stranici 13 za stavku 2, za oba ponuđena modela („OptiPlex Tower 7020“ i „OptiPlex Tower Plus 7020“) jasno je navedeno: „No cable cover“, čime ponuđač nije dokazao da ponuđeni uređaji zadovoljavaju traženi tehnički zahtjev.

Imajući u vidu iznad navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama BiH, Komisija je predložila da se ponuda ocijeni kao nepravilna.

- **UMA MULLER GROUP d.o.o. Sarajevo**

Prilikom detaljnog pregleda ponude, Komisija je konstatovala da ponuđač nije postupio u skladu sa zahtjevima iz tačke j) tenderske dokumentacije, u kojoj je jasno navedeno:

„Tehnička dokumentacija za ponuđenu robu (katalozi, datasheets, itd...) iz kojih se jasno vidi da ponuđena roba odgovara traženoj u smislu tehničkih karakteristika, te da ista ispunjava sve uslove i zahtjeve postavljene u ANEKS-u VII tenderske dokumentacije.“

Ponuđač je uz ponudu dostavio tehničke podatke i dokumentaciju (kataloške listove, datasheets) za određene stavke, ali iste nisu bile jasno označene, tj. ponuđač nije naznačio konkretne konfiguracije komponenti koje su predmet ponude, obzirom da su ponuđeni uređaji koji postoje u više varijanti (npr. više mogućih procesora, RAM konfiguracija i sl.).

Na ovaj način nije moguće nedvosmisleno utvrditi da li je tehnička dokumentacija koja je priložena, odnosno roba koja je ponuđena u skladu sa tehničkom specifikacijom iz ANEKS-a VII tenderske dokumentacije. Ovakav pristup doveo je do nejasnoće u pogledu tehničke usklađenosti ponude za sljedeće stavke ANEKS-a VII: 1. Desktop PC, 2. Desktop PC, 4. Laptop, 5. Laptop, 6. Laptop, 7. Laptop, 11. Printer BW.

Za stavku 9. Tablet, ponuđač nije dostavio nikakvu tehničku dokumentaciju, čime ovaj zahtjev iz tenderske dokumentacije nije ispunjen ni formalno ni suštinski.

Imajući u vidu iznad navedeno, a na osnovu člana 2. stav (1) tačka I) i člana 68. stav (4) tačka i) Zakona o javnim nabavkama BiH, Komisija je predložila da se ponuda ocijeni kao nepravilna.

Nakon pregleda ponuda Komisija je, prema ponuđenim cijenama, formirala Rang listu prihvatljivih ponuda prije provođenja e-aukcije, i to kako slijedi:

1. EMADO d.o.o. Sarajevo, vrijednost ponude u iznosu od 153.500,00 KM bez PDV-a.
2. KODEKS d.o.o. Sarajevo, vrijednost ponude u iznosu od 153.800,00 KM bez PDV-a.

Za predmetnu javnu nabavku bila je predviđena e-aukcija, te je ista zakazana i održana dana 18.07.2025. godine, a nakon njenog okončanja formirana je konačna Rang-lista, sa cijenama nakon e-aukcije, kako slijedi:

1. KODEKS d.o.o. Sarajevo, vrijednost ponude u iznosu od 153.490,00 KM bez PDV-a.
2. EMADO d.o.o. Sarajevo, vrijednost ponude u iznosu od 153.500,00 KM bez PDV-a.

S obzirom na naprijed navedeno, Komisija je utvrdila da je najpovoljnija ponuda za nabavku predmetne robe ponuda ponuđača KODEKS d.o.o. Sarajevo, sa vrijednošću ponude u iznosu od 153.490,00 KM bez PDV-a, koji je ponudio najnižu cijenu za predmetnu nabavku nakon e-aukcije, te je u svom Izvještaju od 21.07.2025. godine predložila Upravi Društva da se ugovor dodijeli ovom ponuđaču.

Uprava Društva je razmotrila preporuku Komisije na svojoj 46. sjednici, održanoj dana 29.07.2025. godine, te je, nakon uvida u vođeni postupak, istu i prihvatila, pa je, na osnovu člana 70. Zakona o javnim nabavkama i člana 25. Pravilnika o javnoj nabavci roba, usluga i radova u Društvu, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno na protokol Društva, elektronskim putem ili preporučenom poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

v.d. DIREKTOR-a

 Sanin Ramezić


Prilog: Zapisnik o pregledu i ocjeni ponuda;
DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.);
 - Služba za pravne poslove i protokol;
4. Sektoru za IKT
5. a/a